

Prijatelj

<"xml encoding="UTF-8?>

Prijatelj



1. Poslanik, s.a.v.a.: "Čovjek je vjere svoga prijatelja, zato neka svako od vas pazi ko će mu biti prijatelj."[1]
2. Imam Ali, mir s njim: "Prijatelj je bliži od bližnjih."[2]
3. Imam Ali, mir s njim: "Ko nema prijatelja, nema zalihe."[3]
4. Imam Ali, mir s njim: "Prijatelji su jedna duša u različitim tijelima."[4]
5. Imam Ali, mir s njim: "Duše su različite, pa se međusobno slažu one koje su slične, i ljudi više teže sebi sličnima."[5]
6. Imam Ali, mir s njim: "Svaki čovjek ima naklonost prema sebi sličnim."[6]

S kim se treba družiti

Poslanik, s.a.v.a.: "Najsretniji je čovjek koji se druži sa plemenitima."[7]

Imam Ali, mir s njim: "Najviše dobrote i ispravnosti je u druženju sa razboritim i pametnim."[8]

Imam Ali, mir s njim: "Ko te poziva u kuću vječnosti i pomaže te u radu za nju, pa on ti je prijatelj brižni."[9]

Imam Sadik, mir s njim: "Ne zovi nikog svojim pravim prijateljem prije nego ga iskušaš u trima stvarima: u ljutnji, pogledaj, kada ga naljutiš, da li će ga srdžba odvesti sa puta Istine na put zablude; u novcu i u zajedničkom putovanju."[10]

Imam Sadik, mir s njim: "Druži se sa čovjekom u čijem društvu ćeš dotjerati sebe, a ne druži se s onim koji koristi tebe da bi uljepšao sebe."[11]

S kim se ne treba družiti

Na Dan kada nevjernik prste svoje bude grizao govoreći: "Kamo sreće da sam se uz Poslanika Pravog puta držao, kamo sreće, teško meni, da toga i toga za prijatelja uzeo nisam, on me je od Kur'ana odvratio nakon što mi je priopćen bio!" – a šejtan čovjeka uvijek ostavlja na cjedilu.[12]

Poslanik, s.a.v.a.: "Za tebe nema dobra u druženju sa čovjekom koji ti ne želi ono šta želi sebi."[13]

Imam Ali, mir s njim: "Ko ti nije prijatelj radi pomoći u borbi sa tvojim nefsom, dobro znaj da je njegovo prijateljstvo nezdravo po tebe."[14]

Imam Ali, mir s njim: "Kloni se druženja sa grješnicima, bludnicima i onima koji javno ispoljavaju nepokornost Bogu."[15]

Imam Ali, mir s njim: "Prijatelj neznaice izmučen je i unesrećen."[16]

Imam Ali, mir s njim: "Čuvaj se druženja s grješnicima zato što zlo ide za zlom."[17]

Imam Ali, mir s njim, u oporuci svome sinu Hasanu, mir s njim: "Sine moj, čuvaj se druženja s glupim čovjekom; zaista ti on želi biti od koristi, ali ti uistinu nanosi štetu."[18]

Imam Zejnul-Abidin, mir s njim, u oporuci svome sinu Bakiru mir s njim: "Čuvaj se druženja sa onim koji je prekinuo odnose sa svojom rodbinom zato što sam takvog čovjeka vidio prokletim na tri mjesta u Božijoj knjizi."[19]

Imam Rida, mir s njim: "Prijatelj neznaice nalazi se na muci."[20]

Šta kvari prijateljstvo

Imam Ali, mir s njim: "Kada god čovjek zastidi svoga prijatelja, izgubio ga je."[21]

Imam Ali, mir s njim: "Zavist prijatelja posljedica je pomanjkanja ljubavi."[22]

Imam Ali, mir s njim: "Ne dopusti da tobom ovlada sumnja jer ona ne ostavlja mjesta za bliskost među prijateljima."[23]

Imam Ali, mir s njim: "Ko bude sitničav prema prijatelju, prekida njegovu ljubav."[24]

Imam Ali, mir s njim: "Ko raspravlja s braćom, umanjuje se broj njegovih prijatelja."[25]

Imam Sadik, mir s njim: "Ukoliko želiš da ljubav brata prema tebi bude iskrena, nemoj se s njim šaliti, ne prepri se s njim, nemoj mu se hvaliti i nemoj se s njim svađati!"[26]

Imam Hadi, mir s njim: "Prepirka uništava staro prijateljstvo i oblikuje čvrste čvorove. Najmanje što se želi postići prepirkom jeste nadvladavanje, a ono je osnovni uzrok prekidanja prijateljstva."[27]

Imam Ali, mir s njim: "Pravi prijatelj ti je onaj koji te upozorava na nedostatke, koji te štiti u

odsutnosti i koji ti daje prednost nad sobom.”[28]

Imam Ali, mir s njim: “Pruži prijatelju svu ljubav, ali mu ne pružaj sve pouzdanje.”[29]

Imam Sadik, mir s njim: “Prijateljstvo je samo ono koje ima određene uvjete; svako ko ima sve ili neke od tih uvjeta jeste prijatelj, u suprotnom se ne može nazvati prijateljem. Prvi uvjet je da mu i javnost i tajnost budu za tebe jednake, drugi je da tvoju čast vidi svojom čašću, a tvoju sramotu svojom sramotom, treći da ga imetak i položaj ne promijene u pogledu odnosa s tobom, četvrti da ti ne uskrati bilo šta što je u mogućnosti da ti priušti i peti, koji u sebi obuhvata sva navedena lijepa odličja, jeste da te ne ostavi samog u nevoljama.”[30]

Najbolji prijatelj

Poslanik, s.a.v.a.: “Najbolji je prijatelj onaj koji se malo protivi, a puno pristaje.”[31]

Imam Ali, mir s njim: “Pomagač u pokornosti Bogu najbolji je prijatelj.”[32]

Pravo prijatelja

Imam Ali, mir s njim: “Ne prekidaj prijateljstvo makar, prijatelj bio i nezahvalan.”[33]

Imam Zejnul-Abidin, mir s njim: “Pravo prijatelja je da prema njemu postupaš s blagošću i pravednošću. Poštuj ga kako on poštuje tebe i ne dopusti mu da te pretekne u plemenitom djelu. Ako je on prvi, uzvрати mu. Ukazuj mu prijateljsku ljubav koliko i on tebi ukazuje i odvрати ga od svakog čina nepokornosti koji on želi provesti. Budi za njega milost, a ne kazna.”[34]

–

[1] Emali-t-Tusi, 518/1135.

[2] Gureru-l-hikem, 674.

[3] Isto, 8760.

[4] Isto, 2059.

[5] El-Bihar, 78/92/100.

[6] Gureru-l-hikem, 6865.

[7] El-Bihar, 74/185/2.

[8] Gureru-l-hikem, 3129.

[9] Isto, 8775.

[10] Emali-t-Tusi, 646/1339.

[11] El-Bihar, 72/267/9.

[12] El-Furkan, 27-29.

[13] Ed-Durretu-l-bahire, 19.

[14] Gureru-l-hikem, 9041.

[15] Gureru-l-hikem, 2601.

[16] Isto, 5829.

[17] El-Bihar, 74/199/36.

[18] Isto, 74/198/35.

[19] Isto, 2/377/7.

[20] Isto, 78/352/9.

[21] Isto, 74/165/28.

[22] Nehdžu-l-belaga, izreka 218.

[23] El-Bihar, 77/207/1.

[24] Gureru-l-hikem, 8582.

[25] Isto, 8772.

[26] El-Bihar, 78/291/2.

[27] A'lamu-d-din, 311.

[28] Gureru-l-hikem, 1904.

[29] El-Bihar, 74/165/29.

[30] Isto, 78/249/90.

[31] Tenbihu-l-havatir, 2/123.

[32] Gururu-l-hikem, 1142.

[33] Isto, 10196.

[34] El-Bihar, 74/7/1.